

catur, & Sacramenta ex præscripto Christi administrantur, verè esse sanctos in Christum credentes & iustos, quia verbum Dei non frustrà predicatur, Esa. 55. vers. 11. quæ omnia manifestis scripturæ dictis alibi copiosè demonstrantur.

9. Quæritur: Si verbum Dei non prorsus in omnibus suis partibus purè in cœtu aliquo doceatur, aut Sacramenta, vel utrumq; vel alterutrum non legitimè administratur, an ibi prorsus non sit Ecclesia? R. Quando purè verbum Dei docetur & Sacramenta ex institutione Christi rectè administrantur, tum pura est Ecclesia: Si verò cœtus aliquis ab illa puritate recedit, tum impura est, & tantò impurior, quantò longius recedit.

10. Quod verò Pontificii doctores repudiatis veris his notis, alias substituunt numero plures, ut sunt: 1. nomen Catholica. 2. antiquitas. 3. duratio diuturna. 4. amplitudo. 5. legitima Episcoporum successio. 6. conspiratio in doctrina cum Ecclesia antiqua. 7. unio membrorum cum capite & inter sese. 8. Sanctitas ex professione doctrinae sanctæ. 9. Efficacitas doctrinae. 10. Sanctitas primorū patrum. 11. miraculorum. 12. lumen Prophe-
ticum.